



কলকাতা, ২ মার্চ ২০২৫, ১৭ ফাল্গুন, রবিবার

মুখ্যমন্ত্রীর নির্দেশে ‘ভূতুড়ে ভোটার’ ধরতে ময়দানে ফিরহাদ-সুজিতরা

নিজস্ব প্রতিবেদন, কলকাতা: তৃণমূল সুপ্রিমো মমতা বন্দ্যোপাধ্যায়ের নির্দেশ মেনে ‘ভূতুড়ে ভোটার’ ধরতে চेतলার বাড়ি বাড়ি ভোটার তালিকা হাতে নিয়ে শনিবার সকাল থেকেই জুটিনি করতে পথে নামতে দেখা যায় কলকাতা পুরসভার মেয়র ফিরহাদ হাকিমকে। এই জুটিনির সময় প্রত্যেকের ভোটার কার্ডও খতিয়ে দেখেন। অন্যদিকে মুখ্যমন্ত্রী তথা তৃণমূল সুপ্রিমো মমতা বন্দ্যোপাধ্যায়ের বিধানসভা কেন্দ্র ভবানীপুরে এই জুটিনির করতে পথে নামতে দেখা যায় স্থানীয় তৃণমূল কাউন্সিলরকে। তৃণমূলের তরফ থেকে এই কর্মসূচিতে ভোটার তালিকায় মৃত কারও নাম রাখা নিয়ে গিয়েছে নাকি, সে সংক্রান্ত তথ্যও খতিয়ে দেখা হয়। এরপরে নির্বাচন



কমিশনে রিপোর্ট জমা দেওয়া হবে। আরও একবার জুটিনি করা হবে বলেও জানান ফিরহাদ। এই প্রসঙ্গে ফিরহাদ এও জানান, ‘ভূয়ো ভোটার

কত, ডেড ভোটার কত, সেই সব আলাদা আলাদা করে তালিকা করতে হবে। এই অনুযায়ী সেই লিস্ট জুটিনি করে আমাদের প্রত্যেকটা

বুথে সেই অ্যাসেসমলি নম্বর, পাট নম্বর দিয়ে, বৃথ নম্বর দিয়ে স্পেসিফিক করে দেব কাকে পেলাম, কাকে পেলাম না। সেই অনুযায়ী পাট যদি দেখে একটা পরিমাণের বেশি ভূয়ো ভোটার আছে, সেটা ইলেকশন কমিশনের কাছে নিয়ে যাব।’ পাশাপাশি মেয়রের সংযোজন, ‘তিন-চারটে নাম পেয়েছি যাদের ভোটার তালিকায় নাম আছে। তাঁরা এখানে থাকেন না অথচ নাম আছে। কিছু আছে যাদের এখানে কোনও অস্তিত্ব নেই। এই পাড়ায় আমি বড় হয়েছি, জন্মেছি, অথচ কখনও দেখিনি, এমন তিন-চারজনের নাম পেলাম।’

শুধু মেয়র ফিরহাদ হাকিম-ই নয়, শনিবার এই জুটিনি করতে দেখা যায় দমকলমন্ত্রী সুজিত বসুকেও। ১১৬ নম্বর বিধাননগর বিধানসভার

অন্তর্গত বিধাননগর পুরনিগমের অন্তর্গত ১৪টি ওয়ার্ডের কংগ্রেসের পুরপ্রতিনিধি এবং দক্ষিণ দমদম পুরসভার ১০টি ওয়ার্ডের পুর প্রতিনিধি ও কর্মীদের নিয়ে বাড়ি বাড়ি যান দমকলমন্ত্রী। সুজিতের সঙ্গে এই কর্মসূচিতে অংশ নেন বিধাননগর পুরনিগমের মেয়র কৃষ্ণা চক্রবর্তী, ডেপুটি মেয়র অনিতা মণ্ডলও। শুধু কলকাতা বা বিধাননগর-ই নয়, অন্যান্য জেলাতেও চলে এই কর্মসূচি। বারুইপুর এলাকায় সায়নী ঘোষ ও বিধায়ক নাভলি মৈত্রকে সক্রিয় অংশ নিতে দেখা যায়। এর পাশাপাশি রবিবার থেকেই ভোটার তালিকার সংশোধনে নেমে পড়ার বার্তা দেন দুই তৃণমূল নেত্রী। অন্যদিকে দিনহাটার বিভিন্ন এলাকা ঘুরে দেখেন উদয়ন গুহ।

বঙ্গে বিজেপি ও সংঘের মধ্যে যোগসূত্র দৃঢ় করতে শুরু সমন্বয় বৈঠকের

নিজস্ব প্রতিবেদন, কলকাতা: বাংলায় বিধানসভা নির্বাচনের প্রস্তুতি পুরোদমে শুরু হয়েছে স্যাফ্রন ব্রিগেডেও। ২০২৬ সালের বিধানসভা নির্বাচনে ভালো ফলের জন্য সমন্বয় বাড়াতে এবার বৈঠকে বিজেপি ও রষ্ট্রীয় স্বয়ংসেবক সংঘ বা আরএসএস। আর এই সমন্বয় সানন করার লক্ষ্যে শনিবার থেকে শুরু হল রষ্ট্রীয় স্বয়ংসেবক সঙ্ঘ পূর্ব ক্ষেত্রের সমন্বয় বৈঠক। শনি ও রবিবার দুদিন চলাবে এই বৈঠক।

শনিবার সকাল ১০টা নাগাদ হাওড়ার উলুবেড়িয়া তীর্থাবৈড়িয়ার সাদরা শিশু মন্দিরে শুরু হয়েছে এই বৈঠক। সূত্রের খবর, সঙ্ঘ প্রধান মোহন ভাগবতের ১১ দিনের বঙ্গ সফরে এই সমন্বয় বৈঠক হওয়া নিয়ে পরিকল্পনা হয়। এরপরই এই বৈঠকের সিদ্ধান্ত, যা শুরু হয় শনিবার থেকে।

স্যাফ্রন ব্রিগেড সূত্রে খবর, এদিনের এই বৈঠকে সংঘের মনোভাবাপন্ন ৫৭টি সংগঠনের

নেতৃত্ব উপস্থিত হন। পশ্চিমবঙ্গ ছাড়াও ওড়িশা, সিকিম, আন্দামান নিকোবর থেকে এসেও এই বৈঠকে অংশ নিয়েছেন সংঘের নেতৃত্ব। এই তালিকায় রয়েছেন সুকান্ত মজুমদার, শুভেন্দু অধিকারী, দিলীপ ঘোষ, অমিতাভ চক্রবর্তী, সতীশ ধনদ, অমিত মালব্য, ঝগ্নিমিত্রা পল, জগন্নাথ চট্টোপাধ্যায়-সহ সহ বঙ্গ বিজেপির প্রথম সারির নেতৃত্বও। বঙ্গের স্যাফ্রন ব্রিগেডের দাবি, এত বৃহৎভাবে সমন্বয় বৈঠক ২০১১ সালের পরে এই প্রথম হচ্ছে। গত ১০-১২ বছরে দু-একবার এই বৈঠক হওয়া নিয়ে চর্চা হলেও শেষ পর্যন্ত তা আর বাস্তবায়িত হয়নি।

সূত্রে খবর, এই বৈঠকের মূল উদ্দেশ্য একে অপরের সঙ্গে পরিচিত হওয়া। সেই সঙ্গে আগামিদিনে কী কী কর্মসূচি করা যায়, কীভাবে এগোলে ভালো হয়, কোন কোন বিষয় নিয়ে কর্মসূচি নেওয়া যায়, এইসব নিয়ে আলোচনা চর্চা হওয়ার সত্তাবনা রয়েছে। এর পাশাপাশি এ সত্তাবনাও

রয়েছে, ২০২৬ সালের বিধানসভা নির্বাচনের জন্য কোন পথে এগোনো যায়, তা নিয়েও একে অপরের সঙ্গে কথা বলা। ছাব্বিশের নির্বাচনে হিন্দুত্বের উপর ভর করেই যে ভোট বৈতরণী পার হতে চায় বিজেপি, ইতিমধ্যেই সেই মনোভাব স্পষ্ট বঙ্গ বিজেপির সমস্ত পর্যায়ের নেতৃত্বের। এই আবহে আরএসএস আর বিজেপির মধ্যে যাতে আরও সমন্বয় বাড়ানো যায়, বোঝাপড়া আরও ভালো করা যায় তার গাটবন্ধন হবে এই বৈঠক থেকেই। এদিকে বিজেপি ও আরএসএসের এই সমন্বয় বৈঠক নিয়ে রাজনৈতিক বিশ্লেষকদের ধারণা, দিল্লির নির্বাচনের মতো বাংলার ভোটেও সক্রিয় হতে পারে আরএসএস। দিল্লি নির্বাচনের আগে জনমতকে এক জায়গায় আনতে আসরে নেমেছিল রষ্ট্রীয় স্বয়ংসেবক সংঘ। দিল্লিকে আটটি বিভাগে ভাগ করে প্রচারে নেমেছিল। বাংলার ভোটে সেই ‘দিল্লি মডেল’ দেখা যাবে কি না, তা নিয়ে জল্পনা বাড়ছে।

দাম বাড়ল বাণিজ্যিক গ্যাসের, অস্বস্তিতে মধ্যবিত্ত

নিজস্ব প্রতিবেদন, কলকাতা: মার্চ মাসের শুরুতেই দাম বাড়ল বাণিজ্যিক রান্নার গ্যাসের। তবে গৃহস্থের ঘরে ব্যবহৃত ১৪ কেজির গ্যাসের দামে কোনও বদল হয়নি। এদিকে গত মাস অর্থাৎ ১ ফেব্রুয়ারি বাজেটের আগেই এক ধাক্কায় অনেকটাই কমে বাণিজ্যিক গ্যাসের দাম। এর ঠিক উল্টো ছবি ধরা পড়ল নয়া মাস শুরু হতে না হতেই। এক ধাক্কায় ৬ টাকা দাম বাড়াল সংস্থাগুলি। ১লা মার্চ থেকেই বর্ধিত এই দাম কার্যকর হবে বলে জানানো হয়েছে।

এই প্রসঙ্গে বলে রাখা শ্রেয়, গত মাস অর্থাৎ ১ ফেব্রুয়ারিতে তেল সংস্থাগুলি বাণিজ্যিক গ্যাসের দাম ৭ টাকা কমিয়েছিল। আগামী অর্থবছরের জন্য গত মাসে বাজেট পেশ করেন নির্মলা সীতারমণ। তার আগেই গ্যাসের দাম কমানোর ঘোষণা করা হয়। শনিবারের গ্যাসের মূল্যবৃদ্ধির জেরে কলকাতায় ১৯ কেজি বাণিজ্যিক গ্যাসের দাম বেড়ে হল ১৯১৩ টাকা। গত মাস অর্থাৎ



ফেব্রুয়ারিতে এর দাম ছিল ১৯০৭ টাকা। মুম্বইতে এর দাম হয়েছে ১৭৫৫.৫০ টাকা, যেখানে ফেব্রুয়ারিতে দাম ছিল ১৭৪৯.৫০ টাকা এবং জানুয়ারিতে দেশের এই মেট্রো শহরে দাম ছিল ১৭৫৬ টাকা। অন্যান্য মেট্রো শহরেও একই ভাবে দাম বেড়েছে। প্রত্যেক গৃহস্থের বাড়িতেই ১৪ কেজির রান্নার গ্যাস ব্যবহৃত হয়। সেই দামে এবারও কোনও বদল হয়নি। দিল্লিতে ডোমেস্টিক গ্যাসের দাম ৮০৩ টাকা, কলকাতায় দাম ৮২৯ টাকা, মুম্বইতে ৮০২.৫০ টাকা এবং চেন্নাইতে ৮১৮.৫০ টাকা।

পর্ণশ্রী থেকে উদ্ধার বাবা-মেয়ের ঝুলন্ত দেহ

নিজস্ব প্রতিবেদন, বেঙ্গলা: পর্ণশ্রী থানা এলাকায় এক অফিস থেকে উদ্ধার হল এক বাবা ও তাঁর মেয়ের ঝুলন্ত দেহ। প্রাথমিক তদন্তে আত্মহত্যার সত্তাবনা মনে করলেও পুলিশ খতিয়ে দেখছে

অন্য কোনও কারণ আছে কি না। পুলিশ আরও জানা গিয়েছে, মহেশতলা থানার নৃসিঙ্গে বাড়ি বাবাসায়ী স্বজন দাসের। শুক্রবার দুপুরে মেয়েকে সঙ্গে নিয়ে বাড়ি থেকে বেরোন ওই ব্যক্তি। কিন্তু

সন্ধ্যার পরেও তাঁরা বাড়ি না ফেরায় উদ্দিগ্ন হয়ে পড়ে পরিবার। খোঁজাখুঁজির পর জানা যায় পর্ণশ্রীতে তাঁর নিজের অফিসে মিলেছে দুজনের ঝুলন্ত দেহ। পুলিশ সূত্রে এ খবরও

মিলেছে যে, মৃত শিশুকন্যার নাম সুজা। তিনি অটচিম আক্রান্ত ছিলেন। পরিবার সূত্রে খবর, দীর্ঘদিন ধরেই তাঁর চিকিৎসা চলছিল। বেসালুরু-সহ রাজ্যের বাইরেও তাঁকে নিয়ে গিয়েছিলেন

বাবা-মা। মানসিক অবসাদ থেকেই কি এই মর্মান্তিক পরিণতি, নাকি ব্যবসায়িক কোনও সমস্যার কারণে বাবা-মেয়ে আত্মহত্যার পথ বেছে নিলেন তা নিয়ে তদন্তে পুলিশ।

ভিএলটিডি-র গেরোয় বেসরকারি বাস মালিকেরা, মিলছে না সিএফ

শুভাশিস বিশ্বাস

সোমবার থেকে শুরু হতে চলেছে উচ্চ মাধ্যমিক পরীক্ষা। মাধ্যমিকের পর জীবনের আরও এক অত্যন্ত গুরুত্বপূর্ণ পরীক্ষা, যেখানে থেকে পড়ুয়াদের ভবিষ্যত জীবনের পথচলা শুরু বললে ভুল হবে না। এই পরীক্ষায় যাতে কোনও ধরনের সমস্যার মধ্যে এই পরীক্ষার্থীরা না পড়েন তা মনেপ্রাণে চান বেসরকারি বাস মালিকরা। এদিকে বাস্তব ছবিটা বড়ই ভিন্ন। রাজ্যভূঁড়ে বসে বহু বাস। এই ছবিটা কলকাতা থেকে আরও বেশি ভয়াবহ বিভিন্ন জেলায়। সমস্যার উৎস ভিএলটিডি অর্থাৎ, ভেহিকেল লোকেশন ট্র্যাকিং ডিভাইস। আদালতের নির্দেশের পর এই রাজ্যের বহু বাসে লাগানো হয় ভিএলটিডি। এদিকে যে সব কোম্পানি এই ডিভাইস লাগিয়েছে তাদের খোঁজ মিলছে না বলেই জানাচ্ছেন বেসরকারি বাস মালিকেরা। আর এই সব কোম্পানির হাতেই এই ডিভাইসের চাবিকাঠি অর্থাৎ কোড। এই কোড একমাত্র অ্যাক্টিভ করতে পারেন ডিভাইস লাগানো সংশ্লিষ্ট কোম্পানি-ই। ফলে ভালো অঙ্কের টাকা খরচ করে ওই ডিভাইস লাগানোর পরও তা অকাজে হয়েই বসে। এদিকে আদালতের নির্দেশ, এই ভিএলটিডি লাগানো না থাকলে কোনও বাসের



সিএফ অর্থাৎ সার্টিফিকেট অফ ফিটনেস দেওয়া হবে না। আর এই সিএফ না মিললে রাস্তায় নামানো সম্ভব হচ্ছে না বহু বেসরকারি বাসকে। আর সেই কারণেই রাজ্যের কাছে বেসরকারি বাস মালিকদের অনুরোধ, দ্রুত তলব করা হোক এই সব কোম্পানিকে যাদের কাছ থেকে কেনা হয়েছিল এই ভেহিকেল লোকেশন ট্র্যাকিং ডিভাইস। বেসরকারি বাসের এই সমস্যা সম্পর্কে বলতে গিয়ে জয়েন্ট কাউন্সিল অফ বাস সিভিকিটের

সম্পাদক তপন বন্দ্যোপাধ্যায় জানান, ‘বাসের সিএফ পাওয়ার জন্য আদালতের নির্দেশে তড়িঘড়ি বহু বাসে লাগানো হয়েছিল এই ভিএলটিডি। আদালত থেকে নির্দেশ আসার পরই বিভিন্ন রাজ্য থেকে বেশ কিছু সংস্থা এই ডিভাইস লাগানোর দায়িত্ব নিতে আসেন পশ্চিমবঙ্গে। তাদের হাতে এই গুরুদায়িত্ব অর্পণও করা হয় রাজ্যের তরফ থেকে। ডিভাইস লাগিয়ে বড় অংশের টাকা নিয়ে এই সংস্থাগুলো যেন ভোজবাজির মতো উরে যায়

বাজার থেকে। ফলে ডিভাইস লাগানোর পর তা অ্যাক্টিভে করতে যে কোড পাওয়ার কথা তা পাচ্ছেন না বেসরকারি বাস মালিকেরা।’ সমস্যার এখানেই শেষ নয়। এই সব সংস্থার বেশির ভাগেরই অস্তিত্বই খুঁজে পাওয়া যাচ্ছে না। এছাড়া যে সব সংস্থার খেঁজ যাও পাওয়া যাচ্ছে, তাদের ফোন করলে কোনও সাড়া মিলছে না। এরপর বেসরকারি বাসের তরফ থেকে। ডিভাইস লাগিয়ে বড় অংশের টাকা নিয়ে এই সংস্থাগুলো যেন ভোজবাজির মতো উরে যায়

কারণ, সংস্থাগুলির সম্পর্কে যাবতীয় তথ্য রয়েছে রাজ্য সরকারের কাছেই। এই ঘটনায় প্রশাসনের কাছে অভিযোগ জানানোর পরও কোনও সন্দর্ভক পদক্ষেপ নিতে দেখা যাচ্ছে না রাজ্য সরকারকে, এমনটাই অভিযোগ বেসরকারি বাস মালিকদের। সব মিলিয়ে বিরাট সংখ্যক বেসরকারি বাসের সিএফ পাওয়া নিয়ে অন্ধকারে বাস মালিকেরা। এমন এক অবস্থা চলতে থাকলে উচ্চ মাধ্যমিকের সময় বাস পাওয়া নিয়ে পরীক্ষার্থীরা বড় সমস্যায় পরতে পারেন বলেই আশঙ্কা করছেন জয়েন্ট কাউন্সিল অফ বাস সিভিকিটের সম্পাদক। কলকাতা বা তার উপকণ্ঠে এই সমস্যা বিরাট আকার নেয় না কারণ, সড়ক পরিবহনে আরও বেশ কয়েকটি বিকল্প সাধারণ মানুষের কাছে আছে। রয়েছে মেট্রো বা সরকারি বাস। শুধু তাই নয়, শহরের যে সব মানুষের অর্থের প্রাচুর্য রয়েছে তাঁরা প্রয়োজনে ট্যাক্সি বা অ্যাপ ক্যাব বুক করতে পারেন। এই সুযোগ বা সুবিধা জেলাগুলোতে নেই। সেখানে সাধারণ মানুষের সড়ক পরিবহণে একমাত্র ভরসা বেসরকারি বাসই। আর সেই কারণেই রাজ্য সরকারের কাছে তাঁর অনুরোধ, পরীক্ষার্থীদের মুখের দিকে তাকিয়ে সার্টিফিকেট অফ ফিটনেস দেওয়া হোক বাসগুলোকে।

পেঁয়াজের রেকর্ড উৎপাদন পশ্চিমবঙ্গে, নির্ভর করতে হবে না ভিন রাজ্যের ওপর

নিজস্ব প্রতিবেদন, কলকাতা: পেঁয়াজের জন্য পঞ্জাবের দিকে তাকিয়ে থাকতে হবে না বাংলাকে। রেকর্ড পরিমাণ পেঁয়াজ উৎপাদন করল বাংলা। পেঁয়াজ উৎপাদনে এবার রেকর্ড গড়ার পাশাপাশি এই প্রথম পেঁয়াজ সংরক্ষণের ব্যবস্থাও চালু হতে চলেছে বাংলায়। অর্থাৎ, পেঁয়াজ উৎপাদনে বাংলা এবার প্রকৃত অর্থেই স্বনির্ভর হয়ে উঠেছে। পেঁয়াজের এমন নজর কাড়া উৎপাদনের ফলে সরকারি উদ্যোগে বিভিন্ন জেলায় তৈরি করা হচ্ছে বড় ও ছোট মাপের পেঁয়াজ সংরক্ষণাগার। এতদিন সরকারি উদ্যোগে পেঁয়াজ সংরক্ষণের কোনও ব্যবস্থা ছিল না এ রাজ্যে। ফলে বাড়তি অর্থ খরচ করে বেসরকারি মালিকানায় পেঁয়াজ সংরক্ষণ করতে হত। সেক্ষেত্রে অতিরিক্ত চার্জও দিতে হত ব্যবসায়ীদের। ফলে বাজারেও পেঁয়াজের দাম উর্ধ্বমুখী হত। এদিকে সূত্রে খবর, ইতিমধ্যেই রাজ্যের তরফে জেলা শাসকদের নির্দেশ দেওয়া হয়েছে, ছোট ও মাঝারি চাষীদের যাতে পেঁয়াজ রাখার সুযোগ দেওয়া যায় সংরক্ষণাগারে।



বর্ষমানের পূর্বস্বতী ও কালনা, হুগলির বলাগড় ও আদিসগুগ্রাম, মুর্শিদাবাদের নেওয়াদা ও সাগরদিঘি, নদিয়ার হাঁসখালি এবং মালদার গাজলে তৈরি করা হচ্ছে এই বড় সংরক্ষণাগার। এগুলির প্রতিটিতে ৯ টন করে পেঁয়াজ রাখা যাবে। সম্প্রতি উদ্যানপালন দপ্তরের মন্ত্রী অরুণ রায় জানিয়েছেন, এবার রাজ্যে পেঁয়াজের উৎপাদন ৭ লক্ষ টনেরও বেশি হতে চলেছে। গতবছর উৎপাদন হয়েছিল সাড়ে ৬ লক্ষ টন। অনুকূল আবহাওয়াই রাজ্যে পেঁয়াজের উৎপাদন বৃদ্ধির অন্যতম কারণ বলেও জানিয়েছেন চাষি ও কৃষি বিশেষজ্ঞরা। এই প্রসঙ্গে

বলে রাখা শ্রেয়, এতদিন বেসরকারি মালিকানায় পেঁয়াজ সংরক্ষণ করা হত। আর এই সংরক্ষণের জন্য ভর্তুকিও দেওয়া হত রাজ্যের তরফ থেকে। এরপর মুখ্যমন্ত্রী মমতা বন্দ্যোপাধ্যায়ের নির্দেশে পেঁয়াজ উৎপাদন বাড়ানোর ব্যাপারে বিশেষ পদক্ষেপ নেওয়া শুরু হয়। এরই পাশাপাশি বাংলার প্রয়োজন না মিটিয়ে বাইরে পেঁয়াজ রপ্তানি না করার ব্যাপারেও নেওয়া হয় কড়া ব্যবস্থা। এই দুইয়ে মিলে পেঁয়াজ যোগান বাড়ে রাজ্যে। আগতত পেঁয়াজ উৎপাদনে রাজ্যের যা স্থিতি তাতে ভিন রাজ্য থেকে পেঁয়াজ আমদানির উপর আর নির্ভর করে থাকতে হবে না বাংলাকে। অর্থাৎ, আর ভিন রাজ্যের খোয়ালখুশির উপর নির্ভর করবে না দরদাম। একইসঙ্গে পেঁয়াজের সংরক্ষণের বাজারে পেঁয়াজের দাম লক্ষণীয় ভাবে কমবে বলেই মনে করা হচ্ছে।

আদালতে ব্যবসায়ী বিপ্লব সিংকে জোরার অনুমতি পেল সিবিআই

নিজস্ব প্রতিবেদন, কলকাতা: আরজি কর হাসপাতালে আর্থিক দুর্নীতি মামলায় থৃত ব্যবসায়ী বিপ্লব সিংকে জেরা করতে চায় সিবিআই। সূত্রে খবর, শনিবার আলিপুর বিশেষ সিবিআই আদালতে এই আবেদন জানায় তারা। এরপরই কেন্দ্রীয় তদন্তকারী সংস্থার এই আবেদন মঞ্জুরও করে আদালত। সিবিআই সূত্রে খবর, আগামী ৪ ও ৫ মার্চ জলে গিয়ে বিপ্লব সিংকে জেরা করবেন সিবিআই আধিকারিকরা। সূত্রে খবর, আরজি করে আর্থিক দুর্নীতি মামলায় চার্জ গঠন নিয়ে শনিবার আলিপুর বিশেষ সিবিআই

আদালতে শুনানি ছিল। সেই শুনানিতে সিবিআইয়ের তরফে জানানো হয়, তদন্তে তাদের হাতে কিছু নতুন তথ্য এসেছে। সেই তথ্য যাচাইয়ের জন্য সংশোধনাপরে গিয়ে থৃত বিপ্লব সিংকে জোরার প্রয়োজন। প্রসঙ্গত, গত বছরের ৯ অগস্ট আরজি করে সিবিআই হলে তিলোত্তমাকে ধর্ষণ ও খুনের ঘটনার তদন্তে নামে সিবিআই। এরপর আরজি করে আর্থিক দুর্নীতি মামলায় ওই হাসপাতালের তৎকালীন অধ্যক্ষ সন্দীপ ঘোষাকে গ্রেপ্তার করা হয়। তারপর একে একে আরও চারজনকে গ্রেপ্তার করে সিবিআই। তাঁদের

একজন ব্যবসায়ী বিপ্লব সিং। থৃত এই ব্যবসায়ী সন্দীপ ঘোষের ‘ঘনিষ্ঠ’ বলেই পরিচিত। এরপর গত বছরের ২৯ নভেম্বর আর্থিক দুর্নীতি মামলায় আলিপুর বিশেষ সিবিআই আদালতে চার্জশিট জমা করে সিবিআই। এখনও চার্জ গঠন হয়নি। সেই চার্জ গঠন নিয়ে শনিবার শুনানি হয়। সেখানেই নতুন তথ্য হাতে পাওয়ার কথা জানায় সিবিআই। এখন বিপ্লব সিংকে আগামী ৪ ও ৫ মার্চ জেরা করবে তারা। বিপ্লবকে জোরায় সন্দীপদের বিরুদ্ধে জোরালো কোনও তথ্য সামনে আসবে কি না, সেটাই এখন দেখার।

বসন্তের আবহেই দাপট শুরু গ্রীষ্মের

নিজস্ব প্রতিবেদন, কলকাতা: গরমের অনুভূতি ক্রমেই অনুভূত হতে শুরু করেছে রাজ্যে। আবহাওয়া দপ্তরের পূর্বাভাস, শনিবার থেকে ধীরে ধীরে তাপমাত্রা বাড়তে শুরু করবে। আগামী কয়েক দিনে পারদ ২ থেকে ৪ ডিগ্রি সেলসিয়াস পর্যন্ত বাড়তে পারে।

ফেব্রুয়ারির শুরু থেকেই তাপমাত্রার উর্ধ্বগতি দেখেই ইঙ্গিতটা ধীরে ধীরে মিলতে শুরু করেছিল। সর্বনিম্ন তাপমাত্রার পাশাপাশি সর্বোচ্চ তাপমাত্রারও বৃদ্ধি ঘটবে। ফলে গরমের অস্বস্তি আরও বাড়তে পারে। বসন্তের আবহাওয়া ধীরে ধীরে চেষ্টার গরমের রূপ নিচ্ছে।

কলকাতা এবং দক্ষিণবঙ্গে ইতিমধ্যেই রোদের তাপ অনুভূত হচ্ছে। বাতাসে আর্দ্রতা কম থাকায় গ্রীষ্মের মতো অস্বস্তি না থাকলেও

ধীরে ধীরে গরমের প্রকোপ বাড়বে। আলিপুর আবহাওয়া দপ্তরের কর্তারা বলেন, মার্চেই বাংলায় ৪০ ডিগ্রি সেলসিয়াস ছুঁয়ে ফেলতে পারে তাপমাত্রা। এ মাসেই খাবা বসাতে পারে তাপপ্রবাহ। এ বারও তাপপ্রবাহের দৌরাত্ম্য বেশি হওয়ার আশঙ্কা পশ্চিমের জেলাগুলিতেই। অন্যদিকে, পশ্চিমী ঝঞ্ঝার প্রভাবেও উপর একটি সক্রিয় ঘূর্ণাবর্তের অবস্থান রয়েছে। তবে, দক্ষিণবঙ্গে এর বিশেষ প্রভাব না থাকায় আবহাওয়া শুষ্কই থাকবে। উত্তরবঙ্গের ক্ষেত্রে অবশ্য আবহাওয়ার চরিত্র কিছুটা ভিন্ন। শনিবারের সোমবারে বৃষ্টির সত্তাবনার কথা শুনিয়েছে আলিপুর আবহাওয়া দপ্তর। জলপাইগুড়ি এবং আলিপুরদুয়ারে সামান্য বৃষ্টি হতে

ব্যারাকপুরে গাড়ির ধাক্কায় মৃত্যু হল কুখ্যাত হান্নান গাজীর

নিজস্ব প্রতিবেদন, ব্যারাকপুর : গ্যারেজ বন্ধ করে বাড়ি ফেরার পথে গাড়ির ধাক্কায় মৃত্যু হল কুখ্যাত দুচ্চতী হান্নান গাজীর। শুক্রবার রাতে ঘটনাটি ঘটেছে টিটাগড় থানার ব্যারাকপুর পুরসভা ২ নম্বর ওয়ার্ডের অন্তর্গত কালিয়া নিবাস শিশু তীর্থ প্রাথমিক বিদ্যালয়ের সামনে। তাঁর বাড়ি নোয়াপাড়া থানার পলতায় শ্রীপল্লী এলাকায়। মৃত্যুর সদী সুবক অভিযেক নন্দী জানান, রাতে গ্যারেজ বন্ধ করে দুজনে পায়ে হেঁটে তাঁরা বাড়ির দিকে যাচ্ছিল। দুজনে একটু আগে পিছে করে হাটছিল। অভিযেকের অভিযোগ, বাড়ির সন্নিকটে পিছন থেকে দ্রুতবেগে

আসা একটি সাদা রঙের চারচাকা গাড়ি ওনাকে ধাক্কা মারে। গাড়ির ধাক্কায় উনি রাস্তায় ছিটকে পড়েন। খবর পেয়ে পরিবারের লোকজন ছুটে এসে তাঁকে ব্যারাকপুর রিএন বসু মহকুমা হাসপাতালে নিয়ে গেলে চিকিৎসকরা মৃত বলে ঘোষণা করে। তাঁর দাবি, পরিকল্পনামাফিক ওনাকে গাড়ি দিয়ে ধাক্কা মারা হয়েছে। বেপরোয়াভাবে ধাক্কা দিয়ে দু’জনেই গাড়িটি ধাক্কা মারত। কিন্তু সেটা তো হয়নি। এটি দুর্ঘটনা নাকি ইচ্ছাকৃতভাবে ধাক্কা মেরে ওই যুবককে খুন করা হয়েছে, টিটাগড় থানার পুলিশ তা খতিয়ে দেখছে। এই ঘটনা ব্যারাকপুরের প্রান্তন

সাংসদ অর্জুন সিংয়ের দাবি, হান্নান গাজী এলাকায় তোলাবাজি করত এবং মাদক বিক্রি করত। জোর করে অন্যের জায়গা দখল করত। ওঁর উপাাতে এলাকার লোকজন অতিষ্ঠ হয়ে উঠেছিল। তাঁর কটাক্ষ, দুচ্চতীরাই তো এখন তৃণমূলের সম্পদ। তাঁর অনুমান, ঘোষপাড়া রোডের ওপর পলতায় ‘জেনেঞ্জ টাওয়ার’ প্রকল্পের কাজ বহুদিন বন্ধ ছিল। ওই প্রকল্পের কাজ আবার শুরু হয়েছে। ওই প্রকল্প নিয়ে আরেক তোলাবাজি কাউন্সিলরের সঙ্গে হান্নান গাজীর গণ্ডগোল চলছিল। সেই গণ্ডগোলের জেরে এই ঘটনা ঘটতে পারে।

ট্রাম্প বলছেন, তিনি এখন নিজের দেশ নিয়েই ভাববেন

২০১৫ সালের প্যারিস জলবায়ু চুক্তিতে স্বাক্ষরকারী দেশসমূহ পৃথিবীর গড় তাপমাত্রা বৃদ্ধিকে ১.৫ সেলসিয়াসের মধ্যে আটকে রাখার সিদ্ধান্ত নিয়েছিল। কিন্তু রাষ্ট্রপুঞ্জের আবহাওয়া সংস্থা ডব্লিউএমও-র মতে, এখনকার তাপমাত্রার বৃদ্ধি সেই লক্ষ্যমাত্রাকে ছাড়িয়ে গিয়েছে। তা ছাড়া, দুটি গবেষণা সংস্থা ওয়ার্ল্ড ওয়েদার অ্যাট্রিবিউশন এবং ক্লাইমেট সেন্ট্রাল-এর বিশ্লেষণ অনুযায়ী, গত বছর বিশ্ব জুড়ে জলবায়ু পরিবর্তনের ফলে গড়ে অতিরিক্ত ৪১ দিনের আবহাওয়া ছিল বিপজ্জনক ভাবে তপ্ত। একই বিশ্লেষণ দেখিয়েছে কী ভাবে ওই বছরই দাবদাহ ছোট ছোট দ্বীপ ও উন্নয়নশীল দেশগুলোকে দক্ষ করেছিল। অন্য দিকে, অতিবৃষ্টি এবং বিধ্বংসী বন্যায় ভেসে গিয়েছিল কত শহর। ব্রাজ্‌লি, চিন, সার্বিয়া, ইন্দোনেশিয়া, ভারত, অস্ট্রেলিয়া ও জার্মানি-সহ অনেকে ২০২৪ সালকেই উষ্ণতম বলে আখ্যা দিয়েছে। এই চুক্তিতে উন্নয়নশীল দেশগুলিকে উন্নত দেশগুলির পক্ষ থেকে আর্থিক সাহায্য এবং প্রযুক্তি হস্তান্তরের কথা বলা হয়েছিল, যাতে তাদের অর্থনীতি পরিবেশবান্ধব হয়ে উঠতে পারে। কিন্তু উন্নত দেশগুলি তাদের সেই প্রতিশ্রুতি রাখতে ব্যর্থ হয়েছে। শুধু তা-ই নয়, আমেরিকার মতো উন্নত দেশ এই চুক্তি থেকে সরে এসেছে। অথচ, পরিবেশে কার্বন ছড়ানোর ক্ষেত্রে আমেরিকার স্থান একেবারে উপরের দিকে। প্যারিস চুক্তিতে অনেক ইতিবাচক সুপারিশ করা হয়েছিল। কিন্তু দূষণ রোধে কড়া পদক্ষেপের অভাব, চুক্তি স্বাক্ষরকারী দেশগুলির আর্থিক বাধ্যবাধকতার মতো বিষয় এই চুক্তিকে ব্যর্থতার দিকে ঠেলে দিয়েছে। গত বছর আজাবাইজানের বাকু-তে রাষ্ট্রপুঞ্জের ২৯তম জলবায়ু সম্মেলনে পরিবেশ দূষণ রোধে নানা পরিকল্পনা নেওয়া হয়েছে। একটি হিসাব অনুযায়ী, ২০৩০ সাল নাগাদ উন্নয়নশীল দেশগুলিকে যদি কার্বন নির্গমন বন্ধ করে পরিবেশবান্ধব অর্থনীতিতে রূপান্তরিত হতে হয়, তা হলে বছরে ২ ট্রিলিয়ন ডলার খরচ করতে হবে। উন্নত দেশগুলির সাহায্য ছাড়া এটা সম্ভব নয়। ডোনাল্ড ট্রাম্প ডিগবাজি খেয়ে বলছেন, তিনি এখন নিজের দেশ নিয়েই ভাববেন। কিন্তু বিশ্ব জুড়ে পরিবেশ বিপর্যয়ের তাপ থেকে তাঁর দেশ কি বাঁচতে পারবে?

শব্দবাণ-২০৭					
১	 	২	 	 	
 	 	 	 	 	
 	 	 	 	 	
 	 	৩	 	৪	৫
 	 	 	 	 	
৬	 	 	 	 	
 	 	 	 	 	
৭	 	 	 	 	

শুভজ্যোতি রায়

সূত্র—পাশাপাশি: ২. আহার, ভক্ষণ ৩. জোরে, সবলে

৬. পুলিশ কমিশনার ৭. পাশাপাশি ধ্বনির এক ধ্বনিতে পরিবর্তন।

সূত্র—উপর-নীচ: ১. গা ঢাকা দেওয়া ২. অস্ত্রসংবরণ ৪. ভাবী ঘটনাদির চিহ্ন, সূচনা ৫. দপ্তরের প্রধান, নিয়ামক।

সমাধান: শব্দবাণ-২০৬

পাশাপাশি: ১.পাথর ২. নৈষধ ৫. কৌশিক

৮. ঠিকানা ৯. অভাগা।

উপর-নীচ: ৭. পাতশা ৩. ধমক ৪. আশিষ ৬. তেকাচি ১. জায়গা।

জন্মদিন

আজকের দিন



অনিল বিশ্বাস

১৯২৬ *বিশিষ্ট রাজনীতিবিদ পি কে বাসুদেবন নায়ারের জন্মদিন।*

১৯৪৪ *বিশিষ্ট বাম রাজনীতিবিদ অনিল বিশ্বাসের জন্মদিন।*

১৯৮৬ *বিশিষ্ট টেনিস খেলোয়াড় ডিভজি শরণের জন্মদিন।*

সম্পাদকীয়

দেরিতে জাতীয় কবির স্বীকৃতি দিয়েও বাংলাদেশ নজরুলের স্বদেশ হতে পারেনি

স্বপনকুমার মণ্ডল

আদর্শ মেনে না চলায় স্বীকৃতিই অস্বীকৃতির কারণ হয়ে ওঠে । বর্তমান বাংলাদেশের ভয়াবহ সাম্প্রদায়িক বিভেদকামী শক্তির নৃশংসতার মধ্যেই কাজি নজরুল ইসলামের অস্তিত্ব গৌরবান্বিত হওয়ার অবকাশ পেলেও তা অচিরেই অস্তিত্ব সংকটের কারণ হয়ে ওঠে । প্রসঙ্গত উল্লেখ্য, অবশেষে বাংলাদেশের জাতীয় কবি হিসেবে কাজি নজরুল ইসলামকে রাষ্ট্রীয় স্বীকৃতি প্রদান করা হয়েছে । ২০২৪-এই তাঁর ১২৫ বছর পূর্তি সম্পন্ন হয়। দেরিতে হলেও ‘better late than never’-এ তা জরুরি ছিল। অবশ্য নতুন বছরের সূচনায় বিদ্রোহী কবির এই স্বীকৃতি স্বাভাবিক ভাবে বেমানান মনে হয়। যে কবির বিদ্রোহী পরিচিতিতেই ছিল বৈষম্যপীড়িত সমাজের সমস্ত ধরনের অসাম্য দূর করার বার্তা, শোণিত-শাসিত মানুষের পাশে থাকার মানবিক দায়বদ্ধতা নিবিড় হয়ে ওঠে,তাঁর সেই আদর্শই আজ সে দেশে অমান্য,অস্বীকৃতিতে ভুলুষ্ঠিত মনে হয় । তাঁর কবি-পরিচিতিতেই হিন্দু-মুসলমানের মিলনের আলোকদিশারি জেগে ওঠে, সাম্প্রদায়িক বিভেদকামী শক্তির বিরুদ্ধে বলিষ্ঠ সাম্যবাদী কবিকণ্ঠের পরিচয় মেলে। সেখানে ২০২৪-এর ৫ আগস্টে বাংলাদেশের পরিকল্পিত গণ অভ্যুত্থানের ফলে অন্তর্বর্তী সরকারের আমলেই মৌলবাদীদের উত্থানে ভয়ঙ্কর ধর্মীয় বিদ্বেষ নিধনযজ্ঞে পরিণত হয় । সেখানে সাম্প্রদায়িক বিভেদকামী শক্তি বাংলার মানুষের মানবিক অস্তিত্বেই নতুন করে বিপন্ন করে তোলে । সাতচল্লিশের দেশভাগ থেকে একাত্তরের বাংলাদেশের মুক্তিযুদ্ধের পর এ বছর সে দেশের নতুন করে স্বাধীনতা লাভের আয়োজনের নেপথ্যেই ছিল মৌলবাদী শক্তির আধিপত্য বিস্তারের ভয়ঙ্কর আয়োজন । সেখানে বাংলাদেশের সাম্প্রতিক ঘটনাপ্রবাহে ধর্মীয় বিদ্বেষের শিকারে সংখ্যালঘু বাঙালি হিন্দুদের ধ্বংসযজ্ঞ চালিয়ে যখন হিন্দুন্যায় মৌলবাদীদের নতুন দেশ গড়ে তোলার খবর দেশ থেকে দেশান্তরে ছড়িয়ে পড়ছে, তখন কাজী নজরুল ইসলামকে সে দেশের জাতীয় কবির রাষ্ট্রীয় স্বীকৃতি প্রদান করার বিষয়টি আপনাতেই অস্বাভাবিক হয়ে ওঠে । যেখানে সে দেশে কাজী নজরুলের সাম্প্রদায়িক সম্প্রীতির বার্তা অত্যন্ত জরুরি ছিল, সেখানে তাঁর আদর্শকেই অস্বীকার করে তাঁকে জাতীয় কবির স্বীকৃতি প্রদানে রাষ্ট্রীয় মুখকে অসাম্প্রদায়িক বিজ্ঞাপনে উজ্জ্বল করার ব্যর্থ প্রয়াস আরও রহস্যময় মনে হয় । কেননা নজরুলের অসাম্প্রদায়িক প্রকৃতি তাঁর বিদ্রোহী পরিচিতিতেই সামনে চলে আসে। তাঁর সাম্প্রদায়িক সম্প্রীতির বার্তাই তাঁকে বাঙালির আপনজন করে তুলেছে । দুই বাংলাতেই তাঁর সমান সমাদর । কোনও মৌলবাদী দেশ তাঁকে আপন করতে পারে না। ফলে তাঁকে সরকারি স্বীকৃতি দিয়ে নয়, তাঁর অসাম্প্রদায়িক আদর্শে সম্প্রীতি ফেরানোতেই তাঁকে যথার্থ সম্মান জানানো হবে। সেই বাংলাদেশেই কাজী নজরুল ইসলামের অসাম্প্রদায়িক পরিচিতিকে যিনি তুলে ধরে অসাধারণ শ্রদ্ধা নিবেদন করেছেন, তিনি বাংলাদেশেরই ধর্মীয় পরিচয়ের উর্ধ্বে ওঠা একজন আন্তর্জাতিক মনের মানুষ তথা লন্ডন প্রবাসী স্বনামধন্য গবেষক ও প্রখ্যত লেখক গোলাম মুরশিদ (১৮৫১-২০২৪)। গতবছর মৌলবাদীদের হাতে বিপর্যস্ত বাংলাদেশের মধ্যেই ২২ আগস্ট তার প্রয়াণ ঘটে। তিনি জীবনের শেষ পর্বে এসে কাজী নজরুল ইসলামকে নতুন করে অসাম্প্রদায়িক মানবিক জীবনের পরিচয়কে নিবিড় করে তুলে ধরেছেন । এটিই ছিল তার গবেষণার শেষ সোনালি ফসল । শুধু তাই নয়, তার জন্য শেষের দিকে জ্বলে ওঠার মতোই তাঁর বিভূতি ছড়িয়ে পড়েছে। তাঁর নজরুল জীবনী ‘বিদ্রোহী রণক্লাস্ত’(২০১৮)। এই অসাধারণ জীবনী বইটির জন্যই তাঁর নাম ২০২৩ তথা ১৪২৯-এর আনন্দ পুরস্কারের জন্য আরও তিন জনের (সৌমিত্র চট্টোপাধ্যায়, পূর্ণেন্দুবিকশিত সরকার ও সুব্রত চট্টোপাধ্যায়) বিবেচিত হয়েছিল । সেই পুরস্কার তাঁর না জুটলেও বইটির সমাদরের সূত্রে তাঁর পরিচিতি নতুন করে চর্চার অবকাশ লাভ করে । অন্যদিকে মাইকেল মধুসূদন দত্তের জীবনীর পর কাজি নজরুল ইসলামের জীবনী লেখার বিষয়ে তাঁর লক্ষ্যভেদী প্রয়াসের মধ্যে তাঁর প্রগাঢ় ইতিহাসচেতনা ও উদ্ভাবনী গবেষণার পরিচয় সমুজ্জ্বল । বাঙালিমানসে উনিশ শতকে মধুসূদনের মতো বিশ শতকে নজরুলের প্রভাব অনস্বীকার্য । সেখানে প্রথম জনের বাংলা সাহিত্যের বহুমুখী বিদ্রোহী প্রভাব যেভাবে নবদিগন্তের সূচনা করেছিল, পরের জনের মানবিক বিদ্রোহের প্রভাব সমাজ-সাহিত্য, ধর্ম-রাজনীতি থেকে সমাজের সাধারণ স্তরেও ছড়িয়ে পড়ে । এজন্য গোলাম মুরশিদ নজরুলের আলোচনাতোে মধুসূদনের ফিরে গিয়েছেন এবং দুজনের বিদ্রোহী সত্তার পরিচয়ের একা লক্ষ করেছেন । ‘হাজার বছরের বাঙালি সংস্কৃতির মধ্যেই তা প্রতীয়মান । তাঁর কথায় ‘কিন্তু বিশ শতকের তৃতীয় দশক থেকে দেশ, সমাজ, রাজনীতি ইত্যাদিও সাহিত্যের বিষয়বস্তুতে পরিণত হলো। এতে একটা বড়ো ভূমিকা পালন করেছিলেন নজরুল ইসলাম । তারও আগে বাংলা



কাজী নজরুল ইসলামের সাহিত্যের সঙ্গে তাঁর জীবনের যোগ সম্পর্কে স্বচ্ছ ধারণা গড়ে

তোলার দিকে গোলাম মুরশিদের দৃষ্টি সক্রিয় হয়ে ওঠে । সেখানে মধুসূদনের মতো

নজরুলের সাহিত্যেও আত্মজৈবনিক পরিসর ক্রমশ বিস্তার লাভ করে । সৃষ্টির অলৌকিক

প্রকৃতি থেকে বেরিয়ে এসে নজরুলের অসাধারণ প্রতিভার যোগসূত্রকে সময়ের ফসলে

কীভাবে তাঁর বনেদি আভিজাত্য গড়ে উঠেছে, সে-বিষয়ে গোলাম মুরশিদ স্বাভাবিক

ভাবে তুলে ধরতে চেয়েছেন। এছাড়া ব্রিটিশ লাইব্রেরি থেকে প্রাপ্ত নতুন তথ্যের

আলোকে তাঁর নজরুল জীবনীকে আরও বেশি বস্তুনিষ্ঠ করায় আগ্রহী হয়ে উঠেছেন ।

সেক্ষেত্রে বস্তুনিষ্ঠতার জন্য যে জীবনীকারের নিরাসক্ত ও মুক্ত মন জরুরি, সে-বিষয়ে

তাঁর আত্মসচেতনতাও শেষে বেরিয়ে প্রকট হয়ে উঠেছে । শুধু তাই নয়, জীবনীটিতে

কোনওভাবেই যাতে বীরত্বব্যঞ্জক বা অতিরঞ্জিত প্রভাবের লেশ না পড়ে, সেদিকেও তাঁর

নির্মোহ প্রকৃতি প্রথম থেকেই সবুজ হয়ে উঠেছে। গোলাম মুরশিদের ‘বিদ্রোহী রণক্লাস্ত’

বইটিতে দশটি অধ্যায়(‘জন্ম, পরিবার পরিবেশ’, ‘হাবিলদারের বিদ্রোহ’, ‘ক্ষণিকের

ধূমকেতু, চিরদিনের আশা(লতা)’, ঘর বাঁধার পথে’, ‘রাজনীতির চোরাবালিতে’,

‘রণক্লাস্ত’, ‘স্বপ্ন ও বাস্তবতা’, স্বেচ্ছানির্বাসন, ‘আধ্যাত্মিকার পথে’, ‘নীরব কবি !’ বর্তমান।

সেখানে নজরুলের জীবনের বিভিন্ন পর্বের মধ্যে তাঁর তথ্য ও যুক্তিনিষ্ঠতার প্রতি

জীবনীকারের সজাগ দৃষ্টিই জীবনীটিকে বস্তুনিষ্ঠ করায় সক্রিয় হয়ে উঠেছে। তাতে

নজরুলের কৃতিত্ব বা মহত্বকে নিবিড় করার চেয়ে তাঁর ব্যর্থতা ও অপারগতার সঙ্গে

উত্তরণের সোপানে রক্তমাংসের মানুষের পরিচয়কে তুলে ধরার প্রয়াস বর্তমান ।

সাহিত্যের আসরে বিদ্রোহের জোরালো বাণী শুনিয়েছিলেন মাইকেল মধুসূদন দত্ত। থীম এবং আঙ্গিকের দিকে তিনি প্রতিষ্ঠিত এবং পুরোনো সমস্ত নিয়মকানুন ভেঙে ফেলেছিলেন । সে জন্য বাংলা সাহিত্যে তার চেয়ে বড়ো বিদ্রোহী আর কেউ নেই। কিন্তু নজরুল ইসলাম অন্য ধরনের বিদ্রোহ করলেন । তিনি ধর্ম, রাজনীতি, সরকার, সমাজ---বা কিছু ব্যক্তির মনোবিক স্বাধীনতাকে খর্ব করে---তাকে ভেঙে তছনছ করার আহ্বান জানালেন ।’স্বাভাবিক নজরুলের জীবনীর প্রতি গোলাম মুরশিদের দৃষ্টিনিবদ্ধ হয়েছিল । বিশেষ করে মধুসূদনের বেড়ে ওঠা, গড়ে তোলার জীবনের বিপরীতে নজরুলের দীনহীনের প্রান্তিক জীবনের উত্তরণ কম বিশ্ময়কর নয়। বরং অনেক বেশি কৌতূহলোদ্দীপক, আরও বেশি রোমাঞ্চকর ঘটনাবহুল । অথচ নজরুলের জীবনীগুলোতে তথ্যের রহস্যভেদ করে তাঁর সেই উত্তরণের ছবি দুর্বোধ্য থেকে যায় । গোলাম মুরশিদের আগে নজরুলের জন্মের শতবর্ষের পরিসরে পশ্চিমবঙ্গ বাংলা আকাদেমি থেকে অরুণকুমার বসু ‘নজরুল-জীবনী’(২০০০) প্রকাশিত হয় । সেখানেও জীবনীকার নজরুলের জীবনের রহস্যভদের প্রত্যায় ব্যক্ত করেছেন, ‘জন্মশতবর্ষে সত্যের অনাবৃত প্রকাশই প্রত্যাশিত।’ সেই ‘প্রত্যাশা’র মধ্যে যে নজরুলের জীবনের অনেক তথ্যই অজানা থেকে গেছে, তা সহজেই অনুমেয় । সেক্ষেত্রে গোলাম মুরশিদের নজরুল জীবনী রচনার দুরূহ পথের পথিক হয়ে ওঠাটা ছিল সময়ের অপেক্ষামাত্র ।

সবদিক থেকেই প্রান্তিক পরিসর থেকে দুখু মিঞা থেকে কাজী নজরুল ইসলাম হয়ে ওঠাটা রহস্যাবৃত ও বিশ্ময়কর । সেদিক থেকে নজরুলের জীবনের উত্তরণ স্বাভাবিক ভাবেই জীবনীকার কাছে যেমন অজানা থনির পরশমণি হয়ে ওঠে, তেমনই তাঁর জীবনীতে জনশ্রুতি, গালগল্প, কিংবদন্তি থেকে বীরপূজামূলক বানানো- ফোনানো-রাঙানো শোনাকথানির্ভর লোকরণ্জন উপাদান ভর করে । সেই ভারে নজরুলের রক্তমাংসের সজীবতা চাপা পড়ে যায়,

জেগে ওঠে তাঁর অসাধারণ মূর্তি থেকে প্রতিমা। সেখানে স্বচ্ছ ও স্বাভাবিক ভাবমূর্তির অভাব অত্যন্ত প্রকট। সেখানে

তথ্যের অপ্রতুলতাসময়ান্তরে কমে আসে চিকি্ই, কিন্তু তাঁর প্রকৃত পরিচয় থেকে যায় মেখে ঢাকা তারায় । সেদিক থেকে নজরুলের জীবনী লেখার সময় গোলাম মুরশিদ তাঁর জীবনের আলোতেই জীবনী লেখায় সক্রিয় হয়েছিলেন। মাইকেল মধুসূদনের জীবনী লেখার মধ্যে তাঁর আত্মজৈবনিক সৃষ্টির ধারার মতোই নজরুলের জীবনের উত্তরণের সোপানে মনোনিবেশ করেছেন । নজরুল জীবনী লেখার সময় তিনি যে-কয়েকটি বিষয়ে দৃষ্টিনিবদ্ধ করেছিলেন, বইটি সম্পর্কে তা অকপটে ব্যক্ত করে তার লক্ষ্য স্পষ্ট করে তুলেছেন । প্রথমেই তাঁর লক্ষ্য ছিল দীনহীন অসহায়তার মধ্যেও প্রতিকূলতা জয় করে কী করে নজরুল জীবনের উত্তরণে সোপানে সঙ্গীতকার হলেন, সে-বিষয়ে আলোকপাত করা । ব্যর্থতার সোপানেই সাফল্যের দিশায় জীবনীর আবেদন আপনাতেই প্রকাশমুখর হয়ে ওঠে। সেখানে গোলাম মুরশিদের লক্ষ্যভেদী অর্জুনের ছায়া ক্রমশ কায়া লাভ করে । অন্যদিকে নজরুল পলটনের যুদ্ধক্ষেত্র থেকে কলকাতায় ফিরে আসার এক বছর নয় মাস পরে কী করে ‘বিদ্রোহী’ লিখলেন, সে-বিষয়েও দৃষ্টি আকর্ষণ করতে চেয়েছেন। প্রসঙ্গত উল্লেখ্য, লণ্ডনের ব্রিটিশ লাইব্রেরিতে রক্ষিত ‘বেঙ্গলি’ পত্রিকা থেকে ১৯১৬-১৯১৮ কালপর্বে প্রকাশিত শপাচেক নামের মধ্যে থেকে সৈনিক নজরুলের হৃদশি দিয়েছেন গোলাম মুরশিদ । তৃতীয়ত, তিনি নজরুলের আপাতবিরোধী ব্যক্তিত্বের মধ্যে কোনও ঐক্যসূত্র আছে কিনা তার হদিশ দিতে চেয়েছেন। প্রসঙ্গত উল্লেখ্য, নজরুলের লেখা তার অসম্প্রদায়িক প্রকৃতিতে হিন্দু-মুসলমানের মধ্যে কেউই তাঁকে মেনে নিতে পারেনি। এজন্য তাঁর বিরুদ্ধে দুই দিক থেকেই বিরূপ সমালোচনা নেমে আসে । আবার ধর্মীয় আধারে তাঁর সমালোচিত নজরুলকেই দেশ ভাগের পর পূর্ব পাকিস্তান থেকে স্বাধীন বাংলাদেশে গ্রহণে-বর্জনে মুসলিম সমাজই আপন করে নিয়েছে । তিনি যে ধর্মীয় পরিচয়ের উর্ধ্বে মানবতাবাদী একজন মানুষ, সে-কথা স্মরণ করিয়ে দিয়েছেন গোলাম মুরশিদ ।

অন্যদিকে কাজী নজরুল ইসলামের সাহিত্যের সঙ্গে তাঁর জীবনের যোগ সম্পর্কে স্বচ্ছ ধারণা গড়ে তোলার দিকে গোলাম মুরশিদের দৃষ্টি সক্রিয় হয়ে ওঠে ।

পরিশিষ্ট স্বতন্ত্র ভাবে তার পরিচয় দিয়েছেন । তাতে দুটি স্বতন্ত্র লেখা বর্তমান । একটি ‘প্রমীলার প্রতীক্ষা’ এবং অন্যটি ‘নজরুলের কী রোগ হয়েছিলো?’। শেষেরটিতে ডাক্তার মহম্মদ নুরুল হকের সিদ্ধান্তকে গ্রহু করে গোলাম মুরশিদ সেই রোগের নাম জানিয়েছেন ‘ডিমেনশিয়া অব লিউরী বডিঙ্গ’ (DLB)।

জীবনের পরিচয়ে জীবনীর গুরুত্ব অপরিসীম । সেখানে খ্যাতির আলোয় জীবনের বর্ণরাঙিন আলোর পরশ ছড়িয়ে পড়ে, প্রদীপের আলোর নীচে অন্ধকারে জীবনের মূলই অন্তরালে থেকে যায় । এতে কল্পনার প্রসারিত আলোয় জীবনের আঁকাড়া সত্য কিংবদন্তি ও অতিরঞ্জনের শিকার হয়ে ওঠে । গোলাম মুরশিদ সেই সত্যের আলোতেই নজরুলকে জীবন্ত করতে চেয়েছিলেন । সেক্ষেত্রে বস্তুনিষ্ঠতার পরিচয়েই নজরুলকে তিনি আবিষ্কার করতে গিয়ে বিতর্কেও জড়িয়েছেন । প্রসঙ্গত উল্লেখ্য, নজরুল জীবনী লেখার জন্য গোলাম মুরশিদ দীর্ঘদিন ধরে গবেষণা করেছেন । ২০১৮-তে বই প্রকাশিত হওয়ার অনেক আগেই ২০১২-তেই তিনি সেই বিতর্কে জড়িয়েছেন । ১৬ সেপ্টেম্বরে সেটি প্রকাশো আসে । ‘নজরুল ইসলাম একটি আদর্শ জীবনের খোঁজে’ শীর্ষক বক্তৃতায় গোলাম মুরশিদের নজরুল ও তাঁর মা জাহেদা খাতুন ও স্ত্রী প্রমীলার চরিত্র হনন করে ভিত্তিহীন আপত্তিকর ও কুরুচিপূর্ণ বক্তব্যের অভিযোগে বিচার চেয়েছিলেন নজরুলের নাতনী খিলখিল কাজী। সেক্ষেত্রে মাইকেল মধুসূদনের নিকট আত্মীয়-স্বজন না থাকলেও নজরুলের অনেকেই জীবিত থাকায় গোলাম মুরশিদকে অনেক বেশি সচেতন পদক্ষেপ নিতে হয়েছে । এজন্য নজরুলের জীবনীটির প্রায় প্রতিটি পাতায় তথ্যসূত্রের পাদটীকার উপরে ভিত্তি করে তাঁর বস্তুনিষ্ঠ নিখাদ দৃষ্টিভঙ্গির পরিচয় দিতে হয়েছে । এতে জীবনীটি প্রকাশের পর সেই বিতর্ক আর মাথাচাড়া দেয়নি। বইটি প্রকাশের একবছর আগে ২০১৭-তে ‘বইয়ের দেশ’-এর সাক্ষাৎকারেই গোলাম মুরশিদ তাঁর নজরুল জীবনীর স্বতন্ত্রতা বিষয়ে স্পষ্ট করে তোলেন ‘আমার সার্বিক প্রয়াস কিংবদন্তি বর্জিত এবং নিরাসক্ত একটি নজরুল জীবনী রচনা করার, যার কোথাও বীরপূজার চিহ্নমাত্র থাকবে না । নজরুলের জীবন যিরে বহু মিথ, ভিত্তিহীন তথ্য, কাহিনি মিশে আছে । সেগুলি একে-একে ছাড়িয়ে এগোবে আমার জীবনী।’ সেখানে গোলাম মুরশিদের নিরলস গবেষণার সোনালি ফসল হিসেবে তাঁর নজরুল জীবনীটিও তাঁর অসামান্য উপহার । বিশেষ করে বাঙালির প্রশংসা ও নিন্দার বেপরোয়া প্রকৃতিতে নজরুলের জীবনের বিভিন্ন পর্বের মধ্যে তাঁর তথ্য ও যুক্তিনিষ্ঠতার প্রতি জীবনীকারের সজাগ দৃষ্টিই জীবনীটিকে বস্তুনিষ্ঠ করায় সক্রিয় হয়ে উঠেছে। তাতে নজরুলের কৃতিত্ব বা মহত্বকে নিবিড় করার চেয়ে তাঁর ব্যর্থতা ও অপারগতার সঙ্গে উত্তরণের সোপানে রক্তমাংসের মানুষের পরিচয়কে তুলে ধরার প্রয়াস বর্তমান। সেখানে নজরুলের প্রেমিক সন্তায় অসংখ্য নারীর সম্পর্কের কামগন্ধ নাহি তায় বলে দৈহিক সম্পর্কেই অস্বীকার করা হয়নি, সক্রিয় রাজনীতির সঙ্গে যুক্ত হয়ে কবি হিমাঝে তাঁর বিপুল জনপ্রিয়তা সত্ত্বেও ভোটে ঝড়িয়ে জামানত বাজেয়াপ্ত হওয়ার কথাও অকপটে প্রকাশ করা হয়েছে। অন্যদিকে নতুন তথ্যের ক্ষেত্রেও গোলাম মুরশিদের সদর্থক প্রয়াস লক্ষণীয় । প্রসঙ্গত উল্লেখ্য, অরুণকুমার বসু তাঁর নজরুল জীবনীতে নজরুলের আকস্মিক ভাবে অসুস্থ হওয়ার পর বাকি জীবনভর যে দুরারোগ্য ব্যাধিতে ভুগেছেন, তার নাম জানাতে পারেননি। গোলাম মুরশিদ সে-বিষয়ে ‘বিদ্রোহী রণক্লাস্ত নজরুল-জীবনী’তে

হারের হ্যাটট্রিক ইংল্যান্ডের, চ্যাম্পিয়ন্স ট্রফিতে গ্রুপের শীর্ষে থেকে সেমিফাইনালে দক্ষিণ আফ্রিকা

নিজস্ব প্রতিনিধি: চ্যাম্পিয়ন্স ট্রফি থেকে ছিটকে গিয়েছিল আগের ম্যাচই। শনিবার গ্রুপের শেষ ম্যাচে দক্ষিণ আফ্রিকার কাছে কার্যত আত্মসমর্পণ করল ইংল্যান্ড। সাত উইকেটে হেরে বিদায় নিল তারা। অধিনায়ক হিসাবে শেষ ম্যাচেও দলকে জেতাতে পারলেন না জস বাটলার। গ্রুপের শীর্ষে থেকে সেমিফাইনালে উঠল দক্ষিণ আফ্রিকা। তিন ম্যাচে তাদের ছয় পয়েন্ট হল। দ্বিতীয় স্থানে থাকা অস্ট্রেলিয়ার তিন ম্যাচে চার পয়েন্ট।

সাদা বলের ক্রিকেটে এক সময় ক্রিকেটবিশ্বের ত্রাস ছিল ইংল্যান্ড। ২০১৯ বিশ্বকাপ থেকে তাদের আগ্রাসী ক্রিকেট নজর কেড়ে নিয়েছিল গোটা বিশ্বের। ২০১৯-এর এক দিনের বিশ্বকাপের পর ২০২২ সালের টি-টোয়েন্টি বিশ্বকাপ



জিতেছিল তারা। সেই সাদা বলের ক্রিকেটে লজ্জার অধ্যায় লিখল ইংরেজরা। জস বাটলারের দলে তারকা ক্রিকেটার অনেকে থাকলেও কেউই আসল সময়ে জলে উঠতে পারলেন না। হারের হ্যাটট্রিক করে বিদায় নিল ইংল্যান্ড। দক্ষিণ

আফ্রিকার সেমিফাইনালের টিকিট নিশ্চিত হয়ে গিয়েছিল ইংল্যান্ডের ইনিংসের পরেই। করাচিতে টসে জিতে ইংল্যান্ডের আগে ব্যাট করার সিদ্ধান্ত বুঝেই হয়ে যায়। কোনও ব্যাটারই বলার মতো রান করতে পারেননি। প্রথম ওভারে দুটি চার

মেরেও ফিরে যান ফিল সল্ট (৮)। তৃতীয় ওভারে ফেরেন জেমি স্মিথ (০)। এর পর নিয়মিত ব্যবধানে উইকেট হারাতে থাকে তারা। জো রুট (৩৭) সবচেয়ে বেশি রান করেছেন। বড় কোনও জুটি হলেও ম্যাচে কখনও দাঁত ফোটাতে পারেনি

ইংল্যান্ড। রানের গতিও আহম্মরি ছিল না। মাত্র ৩৮.২ ওভারে ১৭৯ রানেই অলআউট হয়ে যায় তারা। দক্ষিণ আফ্রিকার হয়ে তিনটি করে উইকেট নেন মার্কো জানসেন এবং উইয়ান মন্ডার। দক্ষিণ আফ্রিকারও গুরুত্ব ভাল হয়নি। শূন্য রানে ফেরেন ট্রিস্টান স্টাবস। ২৭ রান করেন রায়ান রিকেলটন। তবে দলকে জিতিয়ে দেন রাসি ভ্যান ডার ডুসেন (অপরাজিত ৭২) এবং হেনরিখ ক্লাসেন (৬৪) জুটি। তৃতীয় উইকেটে ১২৭ রানের জুটি গড়ান। জিততেই শীর্ষস্থান পাকা ছিল। তাই দুই ব্যাটারই অহেতুক তাড়াহুড়া করার রাস্তায় হট্টেননি। ধীরেসুস্থে খেলে দলকে জয়ের রাস্তায় পৌঁছে দেন। ২৯তম ওভারে ক্লাসেন ফিরলেও দক্ষিণ আফ্রিকাকে জিতিয়ে দেন ডেভিড মিলার (অপরাজিত ৭)।



মায়ামিতে মেসির হাতে দার্জিলিংয়ের চা উপহার তুলে দিচ্ছেন উদ্যোগপতি ও ক্রীড়া সংগঠক শতদ্রু দত্ত

মেসিকে দার্জিলিংয়ের চা উপহার শতদ্রু দত্তের

নিজস্ব প্রতিনিধি: শতদ্রু দত্তর সৌজনে ফুটবলের রাজপুত্র মারাদোনোকে দেখেছিলো সিটি অফ জয়। এবার কি মেসি ম্যাজিক দেখতে চলেছে কলকাতা! অনেকদিন ধরেই সলতে পাকানোর কাজ চলেছে। এবার সেই জল্পনাই উন্মোচন দিলেন ক্রীড়া সংগঠক স্বয়ং শতদ্রু দত্ত। ফেব্রুয়ারি

মাসের শেষ দিনে মায়ামিতে স্বয়ং লিও মেসির সঙ্গে দেখা করলেন তিনি। তুলে দিলেন দার্জিলিংয়ের স্পেশাল চা-ও। সমাজমাধ্যমে নিজেই সেই ছবি দেন। কবে দ্বিতীয়বার কলকাতার ফুটবলপ্রেমীরা দেখতে পাবেন মেসি ম্যাজিক, তা নিয়ে কৌতুহল বাড়ল। তারিখ না

জানলেও শতদ্রু দত্ত জানান পেলো - মারাদোনোর পরে এলএমটেন ও সিয়ার সেভেন - কে কলকাতায় আনাই তার অন্যতম লক্ষ্য। এই শহর মেসির জন্য সবসময় স্পেশাল। কারণ, ভেনেজুয়েলার বিরুদ্ধে ম্যাচে প্রথমবার আর্জেন্টিনার ক্যাপ্টেনের দায়িত্ব হাতে পেয়েছিলেন তিনি।

বিওএ'তে সৌজন্য সাক্ষাৎ আইএফএ সচিবের



আইএফএ সচিব অনিবার্ণ দত্তকে জার্সি তুলে দিচ্ছেন বিওএ সচিব জহর দাস, যুগ্মসচিব দিলীপ পালিত, জাতীয় গেমসের শেফ দ্য মিশন বিশ্বরূপ দে।

নিজস্ব প্রতিনিধি: এবার জাতীয় গেমস থেকে বাংলা ১৬ সোনা, ১৩ রূপো, ১৮ ব্রোঞ্জ সহ মোট ৪৭ পদক নিয়ে অভাবনীয় সাফল্য এনেছে। সবমিলিয়ে বেঙ্গল অলিম্পিক অ্যাসোসিয়েশনের কাছে এবারের জাতীয় গেমস স্মরণীয় হয়ে থাকবে তা বলাই বাহুল্য।

সম্প্রতি সভাপতি চন্দন রায়চৌধুরীকে সামনে রেখেই নতুন কমিটি হয়েছে বেঙ্গল অলিম্পিক অ্যাসোসিয়েশনে। এরপরই নতুন উদ্যোগে গুরুত্ব দেওয়া হচ্ছে খে লাধুলায়। শুক্রবার বিওএ'তে সৌজন্য সাক্ষাৎ করে গেলেন

আইএফএ সচিব অনিবার্ণ দত্ত। বেঙ্গল অলিম্পিক অ্যাসোসিয়েশনে ছিলেন সচিব জহর দাস, যুগ্মসচিব দিলীপ পালিত, জাতীয় গেমসের শেফ দ্য মিশন ও সহসভাপতি বিশ্বরূপ দে। জাতীয় গেমসের সাফল্যে বিওএ'র ভূমিকার প্রশংসা করেন অনিবার্ণ দত্ত। বিওঅ সচিব জহর দাস বলেন, 'ভবিষ্যতে সবাই আমরা একসঙ্গে কাজ করব। আরও বেশি সাফল্য আনব'। এদিন অনিবার্ণ দত্তকে সৌজন্য দেখিয়ে বিওএ'র জার্সি উপহার দেওয়া হয়। জহর দাস জানান, খুব তাড়াতাড়ি রাজ গেমসও শুরু হবে এবার।

মুম্বইয়ের কাছে আবার আটকে গেল বাগান, সবুজ-মেরুনের ড্রয়ে চাপ বাড়ল ইস্টবেঙ্গলের

নিজস্ব প্রতিনিধি: আইএসএলে মুম্বই সিটি বরাবরই মোহনবাগানের কঠিন প্রতিপক্ষ। এর আগে ১১ বারের সাক্ষাতে মাত্র এক বার জিতেছিল মোহনবাগান। সেটা গত বার। এই মুম্বইকে হারিয়েই লিগ-শিশু জিতেছিল তারা। এ বার মনে হচ্ছে, প্রথম বার মুম্বইকে তাদের ঘরের মাঠে হারাতে মোহনবাগান। প্রথমার্ধে দুই গোলে এগিয়ে থেকেও জিততে পারল না তারা। শেষ পর্যন্ত ২-২ ম্যাচে শেষ হল খেলা। প্রথম লেগের খেলাও শেষ হয়েছিল ২-২ গোলেই। মোহনবাগান ড্র করায় ইস্টবেঙ্গলের প্লে-অফ ওঠার আশা কমল।

মোহনবাগান আইএসএল লিগ-শিশু জিতে নিলেও এই ম্যাচে দর্শকের ভিড় ছিল। মোহনবাগানের অনেক সমর্থক খেলা দেখতে গিয়েছিলেন। এই ম্যাচে প্রথম একাদশে কয়েকটি বদল করেছিলেন বাগান কোচ হোসে মোলিনা। সৌরভ ভানওয়াল, অভিষেক সূর্যবংশীরা প্রথম থেকে খেলছিলেন। আক্রমণ প্রতি-আক্রমণের খেলা চলছিল। দু'দলই মাঝমাঠের দখল নেওয়ার চেষ্টা করছিলেন। মাঝেমাঝে একটু গা-জোয়ারি ফুটবলও হচ্ছিল।



আক্রমণ করতে করতে অবশেষে বিশাল কাইথাকে পরাস্ত করে মুম্বই। ৫৬ মিনিটের মাথায় গোল করেন জন টোরাল। তার চার মিনিট পরেই ধাক্কা খায় মুম্বই। লাল কার্ড দেখে মাঠ ছাড়তে হয় স্ট্রাইকার বিক্রম প্রতাপ সিংহকে। তবে রেফারির সেই সিদ্ধান্ত নিয়ে প্রশ্ন উঠছে। ১০ জন হয়ে যাওয়ার পরেও হাল ছাড়েনি মুম্বই। দর্শকদের সমর্থনও পায় তারা। ফলে বেশির ভাগ খেলাই হচ্ছিল মোহনবাগানের অর্ধে। প্রথম লেগের খেলায় শেষ মুহুর্তে গোল করে ড্র করেছিল মুম্বই। এ বারও তাই হল। ৮৮ মিনিটে গোল খেল বাগান। বল বার করতে গিয়ে ভুল করেন বিশাল। মনবীর সিংহের পায়ের লেগে বল লাগে নেখান রদ্রিগেসের মাথায়। বল গোলের দিকে যাচ্ছিল। বিশাল হাত দিয়ে তা আটকানোর চেষ্টা করেও পারেননি। বল জালে জড়িয়ে যায়। কোনও রকমে ড্র করে মাঠ ছাড়ে মুম্বই। বাণিজ্যগরীর মাঠে মোহনবাগানের জয়ের স্বপ্ন অথরাই থেকে যায়।

এই ম্যাচের পর মুম্বইয়ের পয়েন্ট ২২ ম্যাচে ৩৩। তারা যদি বাকি দুই ম্যাচে এক পয়েন্টও পায় তা হলেই প্লে-অফে চলে যাবে। ফলে ইস্টবেঙ্গলের প্লে-অফের আশা কিছুটা হলেও ধাক্কা খেল।

আমার দেশ আমার দুনিয়া

বৃষ্টি, তুষারপাতে বিপর্যস্ত হিমাচল, বন্ধ ৫০০ রাস্তা

সিমলা, ১ মার্চ: বৃষ্টি, তুষারপাত, তুষার এবং ভূমিধসে বিপর্যস্ত হিমাচল প্রদেশে। শুধু তা-ই নয়, এই দুর্ঘটনাগের জেরে বহু এলাকা বিদ্যুৎবিচ্ছিন্ন হয়ে পড়েছে। রাজ্যের বাকি অংশগুলি থেকে পুরোপুরি বিচ্ছিন্ন হয়ে গিয়েছে লাহুল-স্পিতি। শুক্রবার থেকে হিমাচলের পাহাড়ি অঞ্চলে ভারী তুষারপাত শুরু হয়েছে। পাহাড়ের নীচের এলাকা আবার ভারী বৃষ্টিতে ভাসছে।

স্থানীয় সূত্রে খবর, টানা বৃষ্টির জেরে বহু এলাকায় ধস নামছে। ইতিমধ্যেই ৫৮০টি রাস্তা বন্ধ হয়ে গিয়েছে। তার মধ্যে পাঁচটি জাতীয়

সড়কও রয়েছে। লাহুল-স্পিতিতে গত তিন দিন ধরে তুষারপাত হচ্ছে। ফলে রাজ্যের অন্য অংশ থেকে এই জেলা পুরোপুরি বিচ্ছিন্ন হয়ে গিয়েছে। দুর্ঘটনাগের জেরে জেলার স্থলগুলি বন্ধ রাখার নির্দেশ দেওয়া হয়েছে। লাহুল-স্পিতিতেই ১৬৫টি রাস্তা বন্ধ হয়ে গিয়েছে বলে জানিয়েছে জেলা বিপর্যয় মোকাবিলা দপ্তর।

সবচেয়ে পরিস্থিতি খারাপ কুলু, মানালি এবং লাহুল-স্পিতি জেলায়। এই তিন জেলায় তুষারপাত এবং তুষারধস হচ্ছে। আবার পাহাড়ের নীচু এলাকায় হড়পা বানের মতো পরিস্থিতির

সৃষ্টি হয়েছে ভারী বৃষ্টির জেরে। লাহুল-স্পিতির কোকসার, সিসু, কেলং, জিসপা, তাভি, গোভলায় ৪ ফুটের মতো তুষারপাত হয়েছে। লাহুলের জোবরাং গ্রামে তুষারধস নেমেছে। আরও একটি তুষারধস নামে তুপতিচিহ্ন গ্রামের কাছে।

অন্য দিকে, কুলু এবং মানালিতে এই মরশুমের সবচেয়ে বেশি তুষারপাত হয়েছে শুক্রবারে। মানালিতে এক ফুট পুরু বরফ জমেছে। সোলাং উপত্যকায় দু'ফুটের মতো তুষারপাত হয়েছে। মানালি যাওয়ার সমস্ত রাস্তা বন্ধ। কুলুতেও দুর্ঘটনাগের ছবিটা এক।

আদালত চত্বরে মহিলা আইনজীবীর উপর অ্যাসিড হামলা

লখনউ, ১ মার্চ: উত্তরপ্রদেশের মোরাদাবাদের এক আদালতে মহিলা আইনজীবীর উপর অ্যাসিড হামলার অভিযোগ দুই দম্পতীর বিরুদ্ধে। দম্পতীদের বিরুদ্ধে দুটি পৃথক মামলায় অভিযোগকারীদের হয়ে মামলা লড়ছিলেন ওই মহিলা আইনজীবী। শুক্রবার তিনি আদালত চত্বরে নিজের চেয়ারে যাওয়ার পথে দুই দম্পতী তার উপর হামলা চালায়। আইনজীবীর মাথায় দেশি পিস্তল কৈয়ায় এক দম্পতী। অপর জন আইনজীবীর শরীরে অ্যাসিড ছুড়ে মারে। অ্যাসিডদগ্ধ অবস্থায় ওই আইনজীবীকে হাসপাতালে ভর্তি করানো হয়েছে। তার মুখ এবং মাথার কিছু অংশ পুড়ে গিয়েছে।

ঘটনায় ইতিমধ্যে মহিলার বয়ানের ভিত্তিতে দুই অভিযুক্তের বিরুদ্ধে মামলা রুজু করেছে পুলিশ। ভারতীয় ন্যায় সংহিতার ১২৪ (১) ধারায় অ্যাসিড হামলা-সহ অন্য ধারায় মামলা দায়ের করা হয়েছে। পুলিশ সূত্রে খবর, ওই মহিলা আইনজীবী তার চেম্বারের কাছে পৌঁছতেই পিছন থেকে হামলা চালায় দম্পতীরা। মহিলার চিংকার শুনে অন্য আইনজীবী এবং মামলাকারীরা ছুটে আসতেই দম্পতীরা সেখান থেকে পালিয়ে যায়। তবে দম্পতীদের উভয়কেই চিনতে পেরেছেন আক্রান্ত আইনজীবী। পুলিশকে দুই অভিযুক্তের নামও জানিয়েছেন

তিনি। উভয়ের বিরুদ্ধেই দুটি পৃথক মামলা লড়ছেন ওই মহিলা। এক দম্পতীর বিরুদ্ধে মহিলাকে হেনস্থার অভিযোগে মামলা রয়েছে। অপর জনের বিরুদ্ধে পণ নেওয়ার অভিযোগ সংক্রান্ত মামলা রয়েছে বলে পুলিশকে জানান আইনজীবী।

মোরাদাবাদের পুলিশ সুপার (গ্রামগাঁ) আকাশ সিং জানান, মহিলার অভিযোগের ভিত্তিতে দু'জনের বিরুদ্ধে অ্যাসিড হামলার মামলা রুজু হয়েছে। কী ধরনের তরল হামলাকারীরা ব্যবহার করেছিলেন, তা এখনও স্পষ্ট নয়। মহিলার চিকিৎসা চলছে এবং তিনি বর্তমানে বিপন্নত্ব বলেও জানান পুলিশ সুপার।

সামাজিক নিরাপত্তা প্রশাসনের সাত হাজার কর্মী ছাঁটাইয়ের পথে আমেরিকা!

ওয়াশিংটন, ১ মার্চ: সামাজিক নিরাপত্তা প্রশাসনের (এসএসএ) সাত হাজার কর্মী ছাঁটাই করতে যাচ্ছে আমেরিকা। কেন্দ্রীয় সরকারের কর্মী বাহিনীর আকার ছোট করার অংশ হিসেবে তাদের চাকরিচ্যুত করা হচ্ছে। সংস্থাটি আমেরিকার প্রায় ৭ কোটি ৩০ লাখ প্রবীণ ও প্রতিবন্ধী মানুষকে প্রতি মাসে নানা ধরনের সুযোগ-সুবিধা সরবরাহ করে।

শুক্রবার এক বিবৃতিতে এসএসএ জানায়, 'আমরা কর্মীর সংখ্যা ১২ শতাংশের বেশি কমাতে

যাচ্ছি। বাড়তি কর্মী ও সংগঠনের কাঠামো সংকুচিত করার পরিকল্পনার অংশ হিসেবে এটা করা হচ্ছে। সংস্থার কার্যকারিতা এবং যেসব কর্মী সংস্থার সেবা সরবরাহের সঙ্গে সরাসরি সংশ্লিষ্ট নন, তাদের ভূমিকা খতিয়ে দেখা হচ্ছে।' এসএসএ'র বিবৃতিতে আরও বলা হয়, 'সামাজিক নিরাপত্তা সংস্থার বর্তমানে প্রায় ৫৭ হাজার ইন্টারগার সমস্ত রাস্তা বন্ধ। কুলুতেও দুর্ঘটনাগের ছবিটা এক।



চারে নামিয়ে আনা হবে।' এসএসএ আমেরিকার অবসরপ্রাপ্ত প্রবীণ ব্যক্তিদের সুযোগ-সুবিধা ও তাদের পেনশনের জন্য অত্যন্ত গুরুত্বপূর্ণ। এটা দেশটির সেসব অভ্যন্তরীণ সরকারি বিভাগের একটি, যেটাতে রাজনীতিবিদরা সাধারণত হস্তক্ষেপ করেন না। পুনরায় নির্বাচিত হলে সামাজিক নিরাপত্তা সংস্থায় হস্তক্ষেপ করবেন না বলে ২০২৪ সালের নির্বাচনী প্রচারণার বারবার প্রতিশ্রুতি দিয়েছিলেন ডোনাল্ড ট্রাম্প। কিন্তু সেই প্রতিশ্রুতি লঙ্ঘন

করতে চলছে ট্রাম্প প্রশাসন। কেন্দ্রীয় সরকারের ব্যয় কমানোর জন্য সরকারি দক্ষতা বিভাগ (ডিওজিই) চালু করেছেন প্রেসিডেন্ট ডোনাল্ড ট্রাম্প। এর প্রধান করা হয়েছে ধনকুবের ইলন মাস্ককে। এসএসএ'র কর্মী ছাঁটাইয়ের পরিকল্পনা নিয়ে হোয়াইট হাউস বা ডিওজিই তাৎক্ষণিক মন্তব্য করেনি। আমেরিকার কেন্দ্রীয় সরকারের কর্মীর সংখ্যা প্রায় ২৩ লাখ। ডিওজিই এরই মধ্যে এক লাখের বেশি কর্মী ছাঁটাই করেছে।

BIRNAGAR MUNICIPALITY				
Tender Notice				
Name of Work:- Construction of the Proposed Boundary wall of existing community Seva Centre at Palitpara of Ward No. 14 under Birnagar Municipality, P.O. Birnagar, Dist. Nadia				
Sl. No.	NIT No.	Tender Id	Date of Publishing	Bid submission closing date online
1.	WB/MAD/BI/17e/2024-25 Memo No. 139/PWD dt. 28.02.2025	2025_MAD_8217785	01.03.2025 at 10.00 PM	18-03-2025 at 03.55 pm
For details please visit www.wbtenders.gov.in & www.birnagar.municipality.org				
Partha Kumar Chatterjee Chairman Birnagar Municipality				

